



Amorebieta-Etxanoko Udala
Bizkaia

2009KO AURRENKONTUA BETEARAZTEKO UDAL ARAUA

Bizkaiko Lurralde Historikoko Toki Erakundeen Aurrekontuei buruzko abenduaren 2ko 10/ 2003 Foru Arauan agindutakoaren arabera, Aurrekontu Orokorra Betearazteko Arau hau ezarri da 2009ko ekitaldirako:

1. ARTIKULUA.- OROKORRA OSATZEN DUTEN AURREKONTUAK

Erakunde honetako Aurrekontu Orokorra honako hauek osatzen dute:

a) Udal Erakundearen aurrekontua. Horren diru-sarrerak eta gastuak, guztira, HOGEITA HAMAR MILIOI ZORTZIEHUN ETA HOGEITA LAU MILA HIRUREHUN ETA HIRUROGEITA SEI EURO ETA BERROGEITA HAMAR ZENTIMO dira(30.824.366,50 €). Hortaz, hasiera batean behintzat ez du defizitrik.

b) Kirol Fundazio Publikoa den Erakunde Autonomo Administrazioaren aurrekontua, diru-sarrerak eta gastuak kontuan izanik, MILIOI BAT SEIEHUN ETA BERROGEITA HAMAIKA MILA SEIEHUN ETA HOGEITA HAMAIRU EUROkoa (1.651.633,00 €).

c) Kultura eta Euskarako Zerbitzuen Fundazio Publikoa den Erakunde Autonomo Administrazioaren aurrekontua, diru-sarrerak eta gastuak kontuan izanik, HIRU MILIOI BEDERATZIEHUN ETA HOGEITA BAT MILA BERREHUN ETA BERROGEITA HAMABOST EURO ETA HOGEITA HAMALAU ZENTIMOKoa da (3.921.255,34 €).

2. ARTIKULUAN – AURREKONTUAREN EGITURA.

Aurrekontu honi abenduaren 15eko 235/2004 Foru Dekretuan aurreikusitako egitura ekonomiko funtzionala aplikatuko zaio.

ORGANIKO-FUNTZIONAL-EKONOMIKOA

Hiru sailkapen horiek, bat eginik, zehaztuko dituzte aurrekontuko partidak, programa mailan eta azpikontzeptu mailan.

3. ARTIKULUA – AURREKONTU KREDITUAK

Diru-sarreraren gordailuak, baliabideen gutxi gorabeherako kalkulua dira, eta inolako mugarik gabe onar daitezke.

Gastuetarako kredituak aurrekontuan baimendutako xede zehatzerako edo lege bidez aldatutako xedetarako besterik ez dira erabiliko.

Gastuetarako kredituek izaera mugatzailea eta loteslea dute. Hauexek dira dauden lotura mailak:

- Programa eta artikulua, inbertsioen 6. kapituluko gastuei dagokienean.



**Amorebieta-Etxanoko Udala
Bizkaia**

- Programa funtzionala eta artikulua, gastu arrunt eta kapital-gastuengatiko transferentziei eta diru-laguntzei dagokienez, interesak eta aktibo finantzarioen aldaketak.
- Programa funtzional eta kapitulua, ondasun arrunt eta zerbitzuen erosketako gastuei eta pasibo finantzarioen aldaketei dagokienez.
- Kapitulua, langileen gastuei dagokienez.

4. ARTIKULUA – KONPROMISO KREDITUAK.

Konpromiso-kredituen egoera, ekitaldian konprometitu ahal diren urte anitzeko gastuek osatzen dute. Horien onarpenak baimendu egingo ditu horiek gauzatzea, ezarritako baldintzetan.

Konpromiso-kredituen egoera-orriak bakoitzaren zenbateko osoa eta burutzeko aurreikusten diren ekitaldiak adieraziko ditu.

Konpromiso-kredituen zenbateko metatua Aurrekontuan aipatzen den erakundearen likidatutako azken ekitaldiko eragiketa arrunten ziozko baliabideen %25 izango da gehienez ere, 10/2003 Foru Arauaren 6.3. e) artikuluan eskatutako azterlanetik muga txikiagoa sortu ezean. Konpromiso-kredituak kanpoko finantzaketa baldin badute, aurreko paragrafoan jasota dauden mugen arabera finantzaketaren zenbatekoa ez da gastu bezala hartuko.

Aurrekontuek ezin dute konpromiso-krediturik bildu, baldin eta beraien betearazpena ekitaldian bertan edo hurrengoan hasten ez bada.

Udalbatzari dagokio urte anitzetarako gastuak baimentzea eta erabiltzea, gastuen iraupena 4 urtetik gorakoa denean, baita iraupen laburragoak direnean ere, baldin eta urteroko kuota guztietan metatutako zenbatekoa aurrekontuaren baliabide arrunten % 10 baino gehiago bada.

5. ARTIKULUA – GEHITU DAITEZKEEN KREDITUAK.

Gehitu daitezkeen kredituak ordainketak egiteko kredituak dira; hasiera batean izaera mugatua daukate, baina beren zenbatekoa handitu edo gehitu daiteke, ezarrita dauden edo gerora ezarri ahal diren arau-formalitateak bete ondoren, ondokoen arabera:

- a) Horren inguruan indarrean dauden xedapenen arabera, dagozkien kredituen eragin zuzena jaso duten diru-sarreraren benetako bilketa.
- b) Kreditu orokorraren erabilerak.

Aurrekontuetako gastuen egoera-orrian, gehitu daitezkeen kreditutzat hartzen ditugun ordainketa-kredituak honako hauek dira:



Amorebieta-Etxanoko Udala
Bizkaia

Partida Izendapena Gehieneko Zenbatekoa I. afektatua.

4-3133-480.00 Gizarte Larr. Trans. Diru laguntzaren gehieneko muga 410.02 Eusko Jaurlaritza

4-3136-227.34 Adinekoen Eguneko zentroa Diru-laguntzaren gehieneko muga 420.05 Aldundia

4-3136-227.35 Ezinduen Eguneko Zentroa Diru-laguntzaren gehieneko muga 420.03 Aldundia

6-4513-226.06 Bazkideen jard. Diru-sarreraren gehieneko muga 340.03

2-6112-227.09 Diru-bilketa zerbitzua Diru-sarreraren gehieneko muga 392.00 Premiamendu gainordaina

Gehitzeko espedientean Kontu-hartzailearen egiaztagiria egon beharko da, eta hortxe egiaztatuta utziko da diru-sarrera afektatuen kontzeptuan egon dela benetako diru-bilketa.

Kredituak gehitzeko erabakia Udalburuak hartuko du, eta horren berri emango dio Osoko Bilkurari, egiten den hurrengo Osoko Bilkuran.

Erakunde Autonomoetan , eskumen horiek Buruaren eta Zuzendaritza-Batzordearenak izango dira.

Gehitu daitezkeen kredituak izango dira, dagozkien aurrekontuetako gastuen egoera-orrian beren-beregi hala agertu gabe eta inolako finantzazio bereziren beharrik gabe, langileen gizarte-aurreikuspen arautegiari dagozkion obligazioak ordaintzeko kredituak, kasu bakoitzean aplika daitezkeen xedapenen arabera onartzen eta likidatzen diren obligazioetatik sortutako zenbatekoan, haren kontribuzio araubidean gertatu diren aldarazpenen ondorioz.

6. ARTIKULUA – KREDITUAK ALDATZEKO ARAUBIDEA.

Aurrekontu nagusia osatzen duten aurrekontuetako sarrera eta gastu-orriak eta aurrekontuaren gaineko gainontzeko baimenak aldatu ahal izango dira, 10/2003 Foru Arauan eta Udal Arau honetan aurreikusitakoaren arabera eta Udal Arau honetan ezarritakoaren arabera.

A) Kreditu Transferentziak

Kreditu transferentziak aurrekontuaren aldaketak dira, haien zenbateko osoa aldatu gabe, kreditu baten zenbateko osoa edo haren zati bat, lotura juridiko maila desberdinei buruzko aurrekontu partiden artean eramaten denean.

Kreditu transferentziak egiteko, batzuetan partida berriak sortu beharko dira aurrekontuan.

Horrelakoak onartzeko organo eskuduna:

-Programa funtzional baten barruan transferentziak egitea Udalburuari dagokio. Dena dela, transferentziak eginda gutxitu egingo badira inbertsio errealerako aurreikusitako gordailuak, orduan Osoko Bilkurak onartu beharko ditu.

-Programa funtzional desberdinen artean transferentziak egiteko baimena Udalburuak emango du, aldaketa guztiek, batuta, dirua ateratzen den eta sartzen den



**Amorebieta-Etxanoko Udala
Bizkaia**

programetan horien hasierako gordailuen % 25 gaintzen ez badute, eta inbertsio errealerako aurreikusitako gordailuak gutxitzen ez badituzte. Gainontzeko kasuetan, Osoko Bilkuraren ardurapekoa izango da.

Kreditu-transferentziak 10/2003 Foru Arauko 29. artikulua ezarritako muga mendeand daude.

Tramitazioa:

-Ogasuneko zinegotzi eskuordetuaren proposamen arrazoitua.

-Udalburuak baimendutako transferentzien kasuan, lehenengo Kontuhartzailearen txostena eduki beharko da gutxitu nahi d(ir)en kreditua(k) erabilgarri dagoen /dauden jakiteko, eta egonez gero, transferentzia onartzeko erabakia hartu ondoren, gauzatu egingo da eta gero horren berri emango zaio Osoko Bilkurari, aurrerantzean egiten duen lehen batzarrean.

-Osoko Bilkurak baimendutako transferentzien kasuan, gainera Ogasun Batzordearen irizpena ere beharko da.

Erakunde Autonomoetan, eskumen horiek Buruaren eta Zuzendaritza-Batzordearenak izango dira.

B) Kreditu gaikuntza

Dagokion gastuen egoera-orria aurrekontuko kreditu bihur daitezke ekitaldian lortutako diru-sarrerak, ez daudenak aurreikusita Udal Erakundearen edo bere Erakunde Autonomoen Aurrekontuko diru-sarreraren egoera-orrietan, edo diru-sarrera horien zenbatekoa aurrekontuetan aurreikusitakoa baino gehiago denean.

Kreditu berriak gaitzeko edo lehendik daudenak zabaltzeko kredituak dira honako eragiketa hauen ondoriozkoak.

a) Pertsona naturalen edo juridikoen ekarpenak edo ekarpenetarako konpromiso sendoak, Toki Erakundearekin edo bertako Erakunde Autonomo batzuekin batera, beren izaera dela eta, haien helburuen edo xedeen barruan dauden gastuak finantzatu ahal izateko.

b) Ondare-ondasunak besterentzea.

c) Zerbitzuak ematea.

d) Hala bada, beste herri erakunde batzuen aurrekontu orokorren pentzura jasotzen diren edo pertsona edo erakunde pribatuetatik datozen beste ekarpen batzuk.

Kreditua gaitzeko nahitaezko baldintzak aipatutako 31. artikuluko 3. idatz-zatian ageri dira.



**Amorebieta-Etxanoko Udala
Bizkaia**

Lortutako diru-sarrerek helburu jakina dutenean edo gehitu ahal diren kredituak finantzatzen badituzte, gaikuntza Udalburuak baimenduko du, eta gainerako kasuetan, berriz, eskumena Osoko Bilkurarena izango da. Udalburuaren onarpenen berri emango da Udalaren Osoko Bilkurak egingo duen lehenengo batzarrean.

Hala ere, beharrezko da beti Kontu-hartzaitzaren txostena eta bertan aipatu beharko da baliabide jakina, aintzatetsitako eskubidea edo benetan jasotako dirua sartzeko konpromisoa dagoela, baita gastuen aurrekontuan beharrezko partidak ezartzeko eta kreditua gaitzeko ere diru-sarrereren ondorioz.

Administrazioaren Erakunde Autonomoetan, eskumen horiek Buruarenak eta Zuzendaritza-Batzordearenak izango dira.

C) Kredituak eranstea.

Udal Erakundearen eta bere Administrazioako Erakunde Autonomoetan aurrekontuan sartu ahal izango dira aurreko ekitaldiko ordainketa-kredituak, onartutako obligazioak betetzeko afektaturik ez badaude eta baldintza hauetariko bat betetzen baldin badute:

1.- Baimendutako tranferentzia jaso duten kredituak eta kreditu gehigarriak, biak ere, ekitaldiko azken hiruhilekoan emandakoak.

2.- Erabakitako gastuei dagozkien kredituak, eta, arrazoi justifikatuak direla eta, obligaziorik hartu ez dutenak.

3.- Gaitutako kredituak eta loturiko diru-sarrerei dagozkien beste kreditu batzuk.

4.- Kapital eragiketen ondoriozko kredituak.

Eragindako diru-sarrerak dituzten kreditu gerakinak derrigorrean sartu beharko dira, hala ere, salbuespena izango da gastua egiten jarraitu edo berau egiten hasteari uzten bazaio, guztiz edo zati batean, edo berau gauzatzea ezinezkoa bada.

Sartutako kredituak, jatorrizko aurrekontuan izango luketen helburu berarekin sartuko dira.

Kredituen gerakinak sartuko dira baldin eta horretarako behar beste finantza baliabide geratzen bada.

Sartutako kredituak sarrera hori gertatzen den ekitaldiaren barruan burutu beharko dira, eta ez da sarrera gehiagorik izango, baldin eta helburu jakina duten diru-sarrerekin finantzatzen diren kapital eragiketak ez badira.

Sar daitezkeen kredituak, ekainaren 30ean dagozkien aurrekontuetan sartu ez badira, deuseztatu egingo dira.



**Amorebieta-Etxanoko Udala
Bizkaia**

Kredituak sartzeko eskumena Udalburuak izango du, Kontu-hartzaitzaren txostena jaso eta gero. Horren berri emango zaio Osoko Bilkurari, aurrerantzean egiten duen lehen batzarrean.

Administrazioaren Erakunde Autonomo Administratiboetan, eskumen horiek Buruaren eta Zuzendaritza-Batzordearenak izango dira.

D) Baliogabetze bajak

Baliogabetze baja, aurrekontuko partida bati atxikitako kredituan erabateko murrizpena edo murrizpen partziala eragingo duen gastuen aurrekontuaren aldarazpenari deritzo.

Baliogabetze baja eman ahal zaio Aurrekontuko edozein kredituri, kreditu baliagarriaren saldoari dagokion zenbatekoan, baldin eta zuzkidura hori murrizgarria edo deuseztagarria bada, haren zerbitzuan kalterik eragin gabe.

Aurreikusten diren kredituen baliogabetze baja Udalbatzako Osoko Bilkurak erabakiko du. Erakunde Autonomoetan, berriz, Zuzendaritza-batzordeak erabakiko du.

E) Kreditu gehigarriak

Gordailurik ez duen edo, izatekotan ez nahikoa eta hedaezina den ordainketa krediturik gabeko gasturen bat egin behar baldin bada, eta aurreko idatz-zatietan aurreikusten den aldarazpen arautegiaren bitartez hura estaltzea ezinezkoa baldin bada, kreditu gehigarria emateko tramitea burutuko da.

Udalburuaren edo, hala badagokio, Erakunde Autonomoen buruen agindu bidez emango zaie hasiera kreditu gehigarrien espedientei.

Kontu-hartzaitzako txostena eginda dagoenean tramitatuko da, eta gutxienez agiri hauek egon beharko dira:

1.- Gastua beharrezkoa edo premiazkoa dela dioen justifikazioa, Udalburuaren pentzura.

2.- Proposatutako gastua finantzatuko duen baliabidearen zehaztapena, eta handitu behar den aurrekontuko partidaren zehaztapena.

Kreditu gehigarriari buruzko espedientea, Kontu-hartzaitzak horri buruzko txostena egin eta Ogasun Batzordeak irizpena eman eta gero, Udalbatzako Osoko Bilkurak onetsiko du, eta horri Aurrekontu Nagusiaren informazio, erreklamazio, publizitate eta errekurtsioei buruzko arauak aplikatuko zaizkio, 10/2003 Foru Arauaren 15, 17 eta 18. artikuluetan biltzen den bezala.

Alkate-Udalburuari dagokio, lehen adierazitako tramiteak bete ondoren (Ogasun Batzordeak eman beharreko irizpena izan ezik), kreditu gehigarriak onartzea, urte osoan metatuta aurrekontuaren %5etik gorakoak ez badira. Kasu horretan ez dira aplikagarriak



**Amorebieta-Etxanoko Udala
Bizkaia**

izango Aurrekontuaren informazio, erreklamazio, publizitate eta errekurtsioei buruzko arauak, eta Osoko Bilkurari honen berri emango zaio egiten duen hurrengo batzarrean. Erakunde Autonomoetan, eskumen horiek Buruaren eta Zuzendaritza Batzordearenak izango dira.

7 ARTIKULUA – DIRU-SARREREN AURREKONTUAK BETEARAZTEKO ERAGIKETAK.

Aurrekontu-ekitaldian sartuko dira bertan onartzen diren eskubideak, ekitaldi batetik edo beste batetik badatoz ere.

Diru-sarreraren aurrekontua honako fase hauetan kudeatuko da:

- a) Diru-sarrera onartzea.
- b) Diru-sarrera kobratzea.

Gastuei loturiko sarreraren kasuan, diru-sarreraren konpromisoko fasea ere sar daiteke zerrenda horretan.

8. ARTIKULUA -GASTUEN AURREKONTUA BETEARAZTEKO ERAGIKETAK.

Gastuen aurrekontua honeko fase hauetan kudeatuko da:

A Fasea: Gastua baimentzea.

D Fasea: . Gastua erabiltzea.

O Fasea: Obligazioa hartzea.

P Fasea: Ordainketa agintzea.

R Fasea: Ordainketa egitea.

9. ARTIKULUA - GASTUAK ORDAINTZEA.

Erakunde Aurrekontuko gastuen egoera-orriaren kredituen pentzura, gastuak baimentzea eta erabiltzea honako hauei dagokie:

Udalburuari (TAOLren 21.1 artikulua):

- Langileria gastuak: produktibitate osagarria, eskersariak eta kalte ordainak zerbitzuagatik.
- Kontratazioak egiteko, horien zenbatekoa aurrekontuko baliabide arrunten %10 baino gehiagokoa ez denean eta, nolana ere, sei milioi eurotik gorakoak ez badira, urte anitzekoak barne, lau urtetik gorako iraupena ez



**Amorebieta-Etxanoko Udala
Bizkaia**

dutenean; betiere, urteroko kuota guztietan metatutako zenbatekoa ezin daiteke adierazitako ehuneko edo kopurua baino gehiagokoa izan.

- Ondasun eta eskubideak erosteko, haien balioa aurrekontuaren baliabide arrunten % 10etik gorako edo hiru milioi eurotik gorakoa ez bada.
- Hondamendi edo zorigaitz publikoetan, beharrezkoak direnetarako.

Legeek beretzat ezartzen dituztenak eta Estatuko edo Autonomia Erkidegoetako Legeek Udalbatzari berari, ez bere sail ezberdinei, ezartzen dizkioten eskumenen araberako gastuetarako. Osoko Bilkurari (TAOLren 22.2 artikulua):

1.- Lansari finko eta aldizkako zenbatekoa zehaztea eta izendapena Produktibitateko Osagarriaren Aurrekontuan, eta baita ere, banaketarako irizpideak, eskersariak eta kalteordainak zerbitzua dela eta.

2.- Aurreko idatz-zatian adierazitako mugak gainditzen dituzten gastuetarako.

3.- Bere eskumeneko gastuetarako.

4.- Kredituak judizioz kanpo aintzatesteko, aurrekontuan horretarako zuzkidurarik ez dagoenean, bai eta kreditu-eragiketak ituntzea. (124/92 Foru Dekretuaren 48.3 artikulua).

Halaber, Udalburuak berak izendatzen dituen zinegotzien esku utzi ahal izango du gastuak baimentzeko edo gastuok egiteko eskumena, Udalburuak berak egin dezakeen gastu kopururako muga betetz. Administrazioaren Tokiko Erakunde Autonomoetako aurrekontuei dagokienez, gastuak onartzea Erakundeko Estatutuek eta funtzionamenduko barne arauk ezarritako sail eta pertsonen esku egongo da.

10. ARTIKULUA- GASTUA BERTEARAZTEKO ARAU BEREZIAK.

Aurrekontuan gordailu nahikoa badago eta gastua egitea arauzko eran onartuta badago, Administrazio-egintza bakar batean bildu ahal izango dira zenbait gastu-fase, ondorengo kasuetan:

a) Langileen nominak, eskersariak, kalte-ordainak, pentsioak, langile finko eta aldi baterakoentzako bestelako ordainsariak, prestakuntza gastuak, eta Udalak Gizarte Segurantzaren eta Elkarkidetzarako ordaintzen dituen kuotak.

b) Zinegotzien eta Erakundeko langileen bidai eta dietengatikoko gastuak.

c) Udalbatzako kideentzako kalte-ordainetarako araubidetik eratorritako gastuak.

d) Aurrekontuan berariaz ageri diren Erakunde Autonomo Administrazioentzako ekarpenak.

e) Gastu hauek: energia elektrikoa, gasa, telefonoa, faxa, erregaiak, iragarkiak, aseguruak, prokuradoreak, mezulariak, etxez-etxeko laguntza.



**Amorebieta-Etxanoko Udala
Bizkaia**

f) Hitzartutako maileguen interesak eta amortizazioak, zerga biltzaileentzako kobratzeagatiko sariak, kanonak, kontribuzioak eta tasak.

g) Diru-laguntzak pertsona natural edo juridikoentzat, aurrekontuan gordailua egonik.

h) 3.100 €ra arteko kontratu txikien ondoriozko gainerako gastu arrunta (2. kapitulua).

Kontratu txikietan, espedientea tramitatzeko hau soilik egin behar da: Gastua onartu eta dagokion faktura espedientean sartzea; eta obren kontratu txikien kasuan, horrez gain obretako aurrekontua ere bai (Herri Administrazioetako Kontratuei buruzko Legearen 95. artikulua). 3.100 €tik gorako gastu arrunta edo inbertsio-gastua kontratu txiki baten bidez egiteko, arloko arduradunak edo dagokion teknikariak gastuaren proposamena egin beharko du, eta horrekin batera bidezko kreditu-atxikipena aurkeztu beharko da; orduan, Alkateak edo, hala badagokio, arloko zinegotzi eskuordetuak, gastua onartuko du administrazio-ebazpenaren bitartez.

Kontratazio-espedienteen aurretiazko tramitazioa. Aurretiazko tramitazioaren bidez kontratua adjudikatu eta gauzatu ahal izango da, baldin eta kontratua burutzen hasi eta hurrengo ekitaldiko aurrekontu luzatuan kreditua baldin badago dena delako gastua egiteko. Kontratua burutzen hasi baino lehenagoko ekitaldian gauzatzen bada, administrazio baldintza berezien agirian ezarri beharko da, adjudikaziorako baldintza gisa, kontratua burutu behar den ekitaldian kontratu horren ondoriozko betebeharrak finantzatzeko kreditu egoki eta nahikoa egotea. Gastuak baimentzeko eta erabiltzeko azken eguna urte bakoitzeko abenduaren 15a izango da; gastuok zerbitzu ekonomikoetan zenbatzeko agiriak hilabete horren 17a baino lehen aurkeztu beharko dira. Muga horrek ez du eraginik izango hitzarmenen ondorioz baimentzen edo erabiltzen diren gastuetan, ezta beste Erakunde batzuek diruz lagundutako plan edo programen barruan dauden gastuetan ere.

11. ARTIKULUA.- OBLIGAZIOAK AINTZATETSI EDO LIKIDATZEA.

Udalbatzako Alkate-Udalburuari dagokio legez hartutako gastu konpromisoetatik eratorritako obligazioak onartzea, ordura arte Udalbatzako kideei edo Gobernu Batzordeari eskuordetutakoa eragotzi gabe.

Erakunde Autonomoen kasuan, dagozkien Estatutuetan ezarritako sailari dagokio lan hori egitea.

Obligazioak aintzatetsi aurretik, dagokion sailaren aurrean egiaztatu beharko da, agiriak aurkeztuta, prestazioa eman dela edo hartzekodunak eskubidea daukala, bere garaian gastua baimendu edo konprometitu zuten erabakien arabera.

12. ARTIKULUA.- ORDAINKETA-AGINDUA

Udalburuari dagokio aurretiaz aintzatetsitako obligazioen ordainketak agintzea.



**Amorebieta-Etxanoko Udala
Bizkaia**

Ordainketa-aginduak presidenteak ezartzen dituen fondoen erabilerarako planari egokitu beharko zaizkio, eta lehentasuna izango dute, edonola ere, langileen gastuek eta aurreko ekitaldietan hartutako obligazioek.

Ordainketa-agindua baimentzeko, ezinbestekoa izango da jatorrizko egiaztapen edo faktura aurkeztea, hornitzailearen zigilu edo sinaduraz bermatuta. Agiri horretan agertuko da “hartuta eta ados” edo “emandako zerbitzuarekin ados”, dagokion alor edota teknikariaren sinaduraz.

Diruzainak eskatuko du hartu izanaren egiaztapena ordainketa-aginduko agirian bertan, ordainketa banku-transferentzia bidez egiaztatu behar denean izan ezik. Kasu horretan, aginduaren agiriari fondo-transferentzien egiaztatgiriak lotuko zaizkio.

Ordainketak egiteko sistema orokorra banku bidezko transferentziak izango dira.

Ordainketa-egunak orokorrean hilabete bakoitzeko 10a eta 25a izango direla ezarri da.

13. ARTIKULUA- JUSTIFIKATU BEHARREKO ORDAINKETA-AGINDUAK.

Ematen diren unean egiaztatgiriak erakustea ezinezkoa denean, ordainketarako aginduak “justifikatu beharrekoak” izango dira, eta aurrekontuetan dagozkien kredituei aplikatuko zaizkie. Arau honetan ezarritako gastuen kudeaketako prozeduren arabera tramitatu beharko dira.

Justifikatu beharreko gastuak aurrekontuko gastuen egoera-orriko bigarren kapituluan sartuta dauden kontzeptuei aplikatuko zaizkie. Hauexek dira:

<u>Kontzeptua</u>	<u>Izendapena</u>
212.00	Konponketak: makinak, eta abar.
213.00	Konponketak: garraio materiala.
214.00	Konponketak: altzariak eta tresnak.
219.00	Konponketak: bestelako ibilgetua.
221.09	Garbitu eta txukuntzeko produktuak.
221.99	Bestelako materialen hornikuntza.
223.00	Garraioak.
226.99	Hainbat gastu.
230.00	Dietak, bidaia sariak, eta abar. Langileak.
231.00	Goi -kargudunen “ “.

Justifikatu behar den ordainketaren zenbatekoa gehienez ere 1.600,00 € izango da.

Ordainketarako agindu horiek jasotzen dituztenek hiru hilabeteko epea dute jasotako kopuruen aplikazioa justifikatzeko eta betiere, ekitaldia itxi aurretik; halaber, indarrean dagoen arautegiak ezartzen duen erantzukizun-araubidearen mende daude.



**Amorebieta-Etxanoko Udala
Bizkaia**

Justifikatzeko dauden fondoak dauzkaten hartzaileei ezin izango zaizkie justifikatu beharreko ordainketa-agiri gehiago egin, aurrekontuetako kontzeptu berberetan oinarrituta.

14. ARTIKULUA- KUTXA FINKOKO AURRERAKINAK.

Aldizka edo behin eta berriz egiten diren atentzioentzat, igorri eta justifikatu beharreko fondoak kutxa finkoko aurrerakinak izan ahal izango dira, horiek aurrekontuz kanpoko fondo horniduratzat hartuko direla.

Aipaturiko aurrerakina Alkatetzaren ebazpen bidez igorriko da, Udalbatzako diruzainaren alde arau honetan adierazitako zenbatekoen eta kontzeptuen arabera, eta gauzatu egingo da aurretik harentzako kreditua atxikita, egotzi ahal deneko aurrekontuko partidari.

Udal Aurrekontuan kutxa finkoko aurrerakinaren araubidea ondoren aipatzen diren kontzeptu eta kopuruen arabera izango da:

<u>Partida</u>	<u>Izendapena</u>	<u>Zenbatekoa</u>
8-2220-221.99	Bestelako hornidurak. Udaltzaingoa.....	600,00 €
6-4211-221.99	“ “ Herri Ikastetxeak.....	300,00 €
5-4325-221.99	“ “ Brigadak.....	1.000,00 €
5-4410-221.99	“ “ Ur Zerbitzuak.....	300,00 €
8-1210-222.02	Posta komunikazioak. Zerbitzu Orokorrak.....	300,00 €
3-4324-223.00	Garraioak. Bulego Teknikoa.....	300,00 €
4-3132-226.99	Bestelako gastuak. Gizarte Ongizatea.....	500,00 €
8-1210-226.99	Zenbait gastu. Zerbitzu Orokorrak.....	600,00 €
8-1210-230.00	Dietak, bidaiak, joan-etorriak. Zerbitzu Orokorrak.....	600,00 €
3-4324-230.00	“ “ “ Bulego Teknikoa.....	300,00 €
1-1111-231.00	“ “ “ Goi kargudunak.....	2.500,00 €
	5-4325-221.04 Brigadak. Erregaien eta errekinen hornidura.	3.000,00 €
7-3220-226.99	Enplegu eta Ekonomia Sustapen Arloa. Beste hainbat gastu	300,00 €
	Guztira.....	10.600,00 €

Erakunde Autonomoek ere ezar ditzakete kutxa finkoko aurrerakinak lehen adierazitako kontzeptu ekonomikoen gainean, beren aurrekontu gordailua muga izanik.

Kultura Zerbitzua eta Euskarako Kirol Fundazio Publikoa den Erakunde Autonomo Administratiboarentzat bereziki ezarrita, ondoko kutxa finkoko aurrerakinak ditu.

<u>Partida</u>	<u>Izendapena</u>	<u>Zenbatekoa</u>
4511-22199	Bestelako	hornikuntza
500,00 €		



**Amorebieta-Etxanoko Udala
Bizkaia**

Erabilitako kopuruen justifikazioa, aurrerakina osatu den aurrekontu-ekitaldian bertan egingo da. Abenduaren 15erako fondoak ez badira guztiz inbertitu, itzuli egingo da geratzen dena eta atxikipenak baliogabetu egingo dira.

Fondoak berriro jartzeko ordainketa-aginduak, kopuru horiei, behar bezala justifikaturik, dagozkien aurrekontuko partidei aplikatuz emango dira, eta haien zenbatekoan, agintari eskudunak dagozkien kontuak onartu eta gero.

Egiten dituen eragiketa guztien kontabilitate osagarri zehaztuaz arduratuko da diruzaina, fondo-horniduren kontabilitateko kontu korrontea kargatu egingo da jasotako aurrerakinengatik eta abonatu egingo da egindako ordainketengatik.

15. ARTIKULUA- KONTU-HARTZAILEAK KONTROLATU BEHARREKO FISKALIZAZIO MUGATUA.

Inbentarioean ez dauden materialaren gastuen eta kontratu txikien konturik ez da aurretiaz hartuko, ez eta aldi behingoena eta segidako traktuko guztiena ere, egintza edo kontratu sortzailearen edo bere aldarazpenen hasierako epealdiko gastuaren kontu hartu ondoren.

Aurretiazko kontu-hartzeak honako hauek soilik egiaztatuko ditu:

- a) Aurrekontuetan krediturik dagoen ala ez, eta proposatzen dena hartu nahi den gastuaren edo eginbeharraren izaerarekiko egokia den ala ez.
- b) Eginbehar edo gastuak eskumena daukan organoak sorrarazitakoak diren.
- c) Kudeaketa-prozesuan daukaten garrantziaren ondorioz, Osoko Bilkuran zehazten diren bestelako puntuak.

Kontu-hartzaileak komenigarritzat hartzen dituen ohar osagarriak egin ahal izango ditu, baina horiek ez dute inola ere dagozkion espedienteen tramitazioa eteteko ondorerik izango.

16. ARTIKULUA- DIRU-LAGUNTZAK

1.- Toki araubideari buruzko legediarekin bat, gastuak bere eskumenen muge barruan xedatzeko gaitasuna esleitua duen organoak berak izango du diru-laguntzak emateko eskumena.

2.- Diru-laguntzak eman baino lehen nahitaez egiaztatu behar da kreditu egoki eta nahikoa dagoela, diru-laguntza emateak dakartzan ekonomia arloko betebeharre aurre egiteko.

3.- Diru-laguntzei buruzko azaroaren 17ko 38/2003 Lege Orokorrean eta indarra dagoen aplikazioko araudian ezarritakoaren arabera tramitatuko dira diru-laguntzak. Halaber, Udaleko Gizarte Ongizate Arloaren, Kirol, Kultura, Hezkuntza eta Euskara Arloaren diru-laguntzak emateko onartutako Oinarri arautzaileak (2005eko ekainaren 7ko 107. BAO), eta azkenik Amorebieta-Etxanoko bizitegi-erabilerako eraikinetan fatxada eta teilatuak zaharberitu, eta oztopo arkitektonikoak kentzeko diru-laguntzen emakidari buruzko Ordenantzaren berezia (2007ko abenduaren 27ko 251. BAO).



**Amorebieta-Etxanoko Udala
Bizkaia**

4.- Emandako diru-laguntzen erakunde onuradunek derrigorrean bete beharko dituzte diru-laguntzak emateko oinarri gisa erabilitako xedeak, proiektuak eta jarduerak. Horiek guztiek betiere bat egin beharko dute indarrean dagoen antolamendu juridikoarekin.

5.- Erakunde onuradunek jarduera egin dela frogatu beharko dute, eta diru-laguntza ematea edo hartaz baliatzea xedatzen duen helburua bete dela ere bai.

6.- Onuradunak men egin beharko die diru-laguntza eman duen organoak egiten dituen egiaztapenei, eta eskatzen zaizkion argibide guztiak eman beharko ditu.

17. ARTIKULUA- INBERTSIOETARAKO KREDITUAK

Lehenengo establezimendurako edo kapitaleko zerbitzu edo obretarako gastuak agintzeko, Udalbatzak aurretiaz behin betiko ontzat eman beharko du horiei buruzko Proiektu Teknikoa.

18. ARTIKULUA- UDALBATZAKO KIDEEN DIETAK ETA ORDEZKARITZA GASTUAK

Justifikatzen diren lokomozio gastuak ordainduko dira zerbitzu edo kudeaketa ofiziala egiteko joan-etorriak direnean, dagokion Udal Organoak aurretiaz onetsi baldin baditu.

Idazkaritzak Udal Kontu-hartzaitzari hilabete bakoitzeko azken lanegunean emango dion informazioari jarraiki, Udalbatzako kide hautatuek ondorengo kalte-ordain gordinak jasoko dituzte, dagokion kargudunak horretarako eskabidea egindakoan: Osoko bilkuretara joateagatik: Osoko bilkuretara joateagatik, 230,00 € bilera bakoitzeko; Gobernu Batzarretara joateagatik, 150,00 € batzar bakoitzeko; Informazio Batzordeetara joateagatik (gehienez 3 bileratara), 150,00 € batzorde bakoitzeko, eta azkenik, Gobernu Batzarrera ez doazen Informazio Batzordeko buruak, 150 € batzorde bakoitzeko; Hala ere, Alkate Udalburuak bere kargua dedikazio osoz betetzen duen bitartean, urtean 72.013,00 €ko ordainsari gordina jasoko du eta bigarren Alkateordeak, bere kargua dedikazio osoz betetzen duen bitartean, 59.411,02 €ko ordainsari gordina jasoko du. Zati bateko liberazioa duen zinegotzi baten ordainsaria 29.705,00 €koa izango da. Kopuru horiek indarrean dagoen Udal Aurrekontuko Gastuen egoera-orriko 1111-100.00 partidatik ordainduko dira, eta altan egongo dira Gizarte Segurantzako Araubide Orokorrean, Udalbatzak bereganatuko dituela horren ondorioz sortzen diren kuota patronalak.

Era berean, talde politikoek eskubidea izango dute hilean 600,00 €ko diru-kopurua kobratzeko, gehi 160,00 € hilean talde politiko bakoitzak daukan zinegotzi bakoitzeko.

Beste alde batetik, Kirol Fundazio Publikoak eta Kultura Zerbitzu eta Euskarako "Ametx" Fundazio Publikoak beren aurrekontuetatik ordainduko dituzte ordainsari hauek: Fundazioko Burua Zuzendaritza-Batzordera joateagatik, 270,00 € bilera bakoitzeko, eta kideak Zuzendaritza-Batzordera joateagatik, 142,00 € bilera bakoitzeko.



**Amorebieta-Etxanoko Udala
Bizkaia**

Aipatutako dieta eta ordezkari-tza-gastuen % 60a bidaia eta joan-etorriengatikoko gastuei dagokie.

19. ARTIKULUA- ALDI BATERAKO LANGILEAK

Gizarte Ongizateko Zerbitzuetako zuzendariak urtero 55.734,00 €ko ordainsari gordina jasoko du Udal Aurrekontuko Gastuen Egoera orriko 8-3132-110.00 partidaren kontura.

Herritarrekiko Harremanen Idazkariak urtero 29.343,00 €ko ordainsari gordina jasoko du Udal Aurrekontuko Gastuen Egoera-orriko 8-1210-110.00 partidaren kontura

Altan egongo dira Gizarte Segurantzako Araubide Orokorrean, Udalbatzak bereganatuko dituela horren ondorioz sortzen diren kuota patronalak.

20. ARTIKULUA- DIRU-LAGUNTZA IZENDUNAK

- 1-1112-481.00 AURREKONTU PARTIDA

- 1. Elizbarrutiko Karmeldar Misiolariak.....25.000,00 €
(Kongoko E.D.n, Katindo-n duten misiorako)
- 2. 2. Tiris-Gernika Sahararen Alde erakundea.....11.000,00 €
- 3. 3. Euskal Herriko karmeldarrak.....17.967,20 €
(Oscar del Perú)
- 4. Ekialde Fundazioa25.000,00€
(Barishivka, Kviska Oblast, Ukraniako Ospitala)

- 4-3134-481.00 AURREKONTU PARTIDA

- 5. Amorebieta-Etxanoko Urritu Fisiko eta Psikikoen Elkarte
(Aisia eta astialdia).....50.000,00 €
(Aldizkaria).....28.500,00 €

- 5-6220-481.00 AURREKONTU PARTIDA

- 6. “Dendariak” Amorebieta-Etxanoko Merkatarien Elkarte 30.000,00 €

-1-1112-481.02 AURREKONTU PARTIDA

- 7. Eubako auzokideen elkarte..... 6.000,00 €

-6-4530-781.00 AURREKONTU PARTIDA

- 8. San Isidro Baseliza.....- 6-3210-481.00 AURREKONTU
PARTIDA..... 44.000,00 €
- 9. San Bartolome Baseliza..... 64.000,00 €
- 10. Bernako Jai Batzordea..... 40.000,00 €



Amorebieta-Etxanoko Udala
Bizkaia

21. ARTIKULUA- EREMUA ETA INDARRALDIA

Aurrekontu Orokorra betearazteko arau hau 2009ko ekitaldian aplikatuko da. Araua aurrekontuaren zati banaezina da, indarrean egongo da aurrekontua indarrean dagoen aldi berean eta, aurrekontua luzatuz gero, hura luzatzen den epean ere bai.

Beren kudeaketa-organoa daukaten Udalbatzaren menpeko entitateen aurrekontuetan ere aplikatuko da arau hau, betearazteko arau bereziei jarraiki jarduten dutenen kasuan izan ezik.

AZKEN XEDAPENA

Arau honetan aurreikusita ez dauden kasuetan, indarrean dagoen Toki Legedian eta gainontzeko arau aplikagarrietan xedatutakoa bete beharko da.

Araua aplikatzean sortu ahal diren zalantzei erantzuna emateko, Udalbatzak erabakitzen duena beteko da.

Amorebieta-Etxano, 2008ko abenduaren 17a.